



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Diatribai De Primis Veteris Frisiae Apostolis, Sive  
Dissertationes, quibus eoru[m] anni, actus, res,  
personae, loca, tempora in eorundem actis occurrentia,  
discutiuntur, illustrantur, erroresque ab ...**

**Bosschaerts, Willibrord**

**Mechliniae, 1650**

6. De Commigratione S. Willibrordi in Hiberniam. De vocatione eius ad  
Conversionem gentium.

**urn:nbn:de:hbz:466:1-10958**

De Commigratione S. Willibrordi in Hiberniam.  
De vocatione eius ad Conversionem gentium.

**D**E hisce Alcuinus: *Igitur in sacris eruditionibus & in omni sobrietate, morumq; honestate beatissimo usq; ad vicesimum aetatis suae annum Adolefcente proficiente, arctioris vitae ardore succensus, & peregrinationis amore instigatus, & quia in Hiberniâ Scholasticam eruditionem viguisse audiuit, etiam quorundam Sanctorum virorum, famâ narrante, conversatione incitatus, & præcipuè Beatissimi Patris & Episcopi Egberti, qui cognomento Sanctus vocabatur, nec non & Wigberti venerabilis viri & Sacerdotis Dei, quorum uterq; ob caelestis patriæ amorem, Patriâ cognationeq; relicta, Hiberniam secessit, ibiq; dulcissimos superna contemplationis fructus, saeculo nudus, Deo plenus, solitariâ quotidie hauriebat conversatione. Horum beatus Adolefscens emulari cupiens religionem, cum conniventia Abbatis sui & fratrum in Hiberniam veloci cursu contendit, prædictorum Patrum familiaritati se coniungens, quatenus ceu prudentissima apis, ex eorum propinquitate mellifluos pietatis carperet flores, & in sui pectoris alveario dulcissimos virtutum fanos construeret. Ibiq; duodecim annis inter eximios simul pie Religionis, & Sacraelectionis magistros, futurus multorum populorum predicator, erudiebatur, donec occurreret in virum perfectum & in aetatem plenitudinis Christi. Attendit non segniter S. Willibrordus ad illud quod sponsus fideli animæ sponsæ occinit: Psalm. 44. *Audi filia & vide & inclina aurem tuam & obliuiscere populum tuum & domum patris tui & concupiscet Rex decorem tuum.* Inclinauit prompto animo aurem & cor, non tantum ad præcepta, sed etiam ad consilia sponsi Christi. Eius vnus ob causam dulcia liquit arua, patriam, parentes, propinquos, sodalitatem cui à*

D 2            pueritia

pueritia affueuerat eorundem planè oblitus nunquã repẽdauit sub Anachoretarum patre Secefficola factus. Et concupiuit Rex decorem eius: decor ille ab intus est, in virtutum perfectionibus. Hoc vestitu deaurato sese induit & placuit Regi decor eius, quem ad tam solidam ecclesiæ columnam adaptauit, ad sublimem cælestis gloriæ thronum prædestinauit.

Monasterium verò vbi S. Egbertus, ad quem se contulit Willibrordus agebat, vocatur Rathmelfigi. à Vener. Beda lib. 3. Hist. Anglic. cap. 27. vbi multa de ipso eiusque conterraneis ex Anglia peregrinis, abstractioris vitæ, feruoris disciplinæ, Sacrarumque litterarum studio deditis, refert. Huic sodalitiõ, spreto mundo, abdicato patrio solo, se expoliendum tradidit Willibrordus: hinc tandem Deum vocantem percepit, trahentem secutus est. Optima præceptio est illi qui suam vocationem & statum, qui ipsi salutaris est & quem Deus vult, noscere cupit, ab omnibus mundanis affectionibus sese expediat; parentes, propinquos, tumultus sæculares, sodalitatem, si non effectu, saltem affectu deserat, cum Deo solo conuersetur, dicatque; *Audiam quid loquatur in me Dominus Deus, & tunc loquetur pacem in plebem suam.* Quid mirum enim, si cum animus alijs occupatus fuerit, quasi obstrepentibus mortalium rerum curis, amoribus, delectationibus, consuetudinibus, diuina illa vox exaudiri non possit. Sapienter hoc expendit D. Bernar. epist. 107. admonens quendam Thomã in hoc ipso sæculi relinquendi statumque; ineundi consilio nutantem: *Tu (inquit) ô charissime, huic voci Dei tui dulciori suber mel & fauum si preparas aurem interiorem, fuge curam exteriorem, ut expedito & vacante interno sensu dicas & tu cum Samuele. Loquere Domine quia audit seruus tuus. Vox hæc non sonat in foro, nec auditur in publico. Secretum consilium, secretum quaris*  
*auditum*

*auditum. Auditui tuo gaudium pro certo dabit & latitiam, si sobria aure perceperis.* Talem agendi rationem inijt S. Willibrordus opereque compleuit in Hibernia Regione externâ diu-  
nissimis contemplationibus & actionibus continuò inten-  
tus, quarum vberimos euentus dulcissimosque fruc-  
tus tandem percepit. Sub prædicto Egberto eiusq; ductu  
S. Adalbertus, qui paternis spretis diuitijs ex Anglia in  
Hiberniam quoq; secesserat, in magnarum virtutum cul-  
men conscendit, vti S. Willibrordi nunc condiscipulus,  
ita mox futurus ei Cöapostolus, ad quod Deus eum diri-  
gebat, intus inflammabat, vocabat. Vide eius vitam per  
Cönobitas Medelocenses ad petitionem Egberti Treui-  
rensis Præsulis Theodorici Hollandiæ Comitis filij con-  
scriptam. est ea apud Surium 25. Iunij. Idem cum alijs  
eorum synerchomenis actum esse, iustum est credere,  
tametsi nil expressum habeamus.

## DISSERTATIO SEPTIMA.

## De Sacerdotio S. WILLIBORDI,



In dicto Sanctorum exercitiorum fer-  
uore constitutus Willibrordus, Sacer-  
dotali gradui inauguratus est, in eo-  
que præ cæteris sodalibus, etiam Sa-  
cerdotibus, eluxit testante Beda lib. 5.  
Historiæ Anglicanæ cap. 11. Dispo-  
nebatur, nimirum, à Deo, abolitis  
varijs Idolorum sacrificijs, illaturus  
gentibus verum & sublime Noui Testamenti Sacrificium  
& pro sua parte impleturus illud Malachię 1. *Ab ortu solis  
usq; ad occasum magnum est nomen meum in gentibus & in omni lo-*